

光緒臨朐縣志卷之四

古蹟

古蹟有述權輿班志而踵增於寰宇記方輿勝覽諸書志乘標目相率不廢豈挾張名勝哉凡以古今疆域沿革不常考證之資胥於是焉寄也載筆者或昧斯旨競以繁富相矜既緣飾乎俚談亦攘有於鄰境安處附會遂不免於顏監之譏舊志於二者之弊蓋兼有矣惜古書不備未能一一辨正謹就所知裁以私意滑者析之如朱虛略者詳城之類之如凡城缺者補之如臨朐故城之類屬別部者改隸之如搗衣石陽城嶠之非本境者剗削之如益山巖其所不知姑仍舊文如丹

光緒臨朐縣志卷四 古蹟

一

朱冢之類援于氏齊乘之例城郭亭館寺院邱壠各以類從瓜區豆分體同類纂取謂大雅寤所不辭蓋推表之意主於明慎而已作古蹟考

城郭

凡城卽東陽城通典臨朐有古東陽城一名凡城是也寰宇記齊乘并同通志云在縣東十餘里今無迹

按舊志云疏乞紀黃帝乘黃龍四巡東薄海禪凡山注沂山縣之沂山也寰宇記黃帝封泰山禪凡山明以爲凡山也又云凡山在益都明以臨朐爲益都或統於郡地也所云封泰山注東泰山也知臨朐之兼名沂山而

凡山之統於沂山也語本昌國餘艘疏證凡山而無一字涉及凡城傅氏之疏往往如是舊志又別出東陽城據通典與凡城只是一城刪之以省互複

邢城卽駢城本紀之邢邑後爲齊伯氏封邑舊志在臨朐

東南本左傳杜注古邢紀略城西南半里許有埠隆然人以爲

駢邑故城或又云在城北今五里莊亦名駢南村且有伯氏塚云

長城在大峴山上水經注西接岱山東連琅邪千有餘里

蓋田氏之所造也竹書紀年梁惠成王二十年齊築坊以

爲長城齊記謂宣王所築管子輕重篇長城之陽魯也長城之陰齊也是桓公時已有之

光緒臨朐縣志卷四

古蹟

二

矣今猶宛宛山際沿溝壑伏沿崖阜起西接博山之岳陽

山鳳皇嶺東隨大弁山入安邱界編年錄歷太平山四十二里入諸城界至膠州大

朱山入海在琅邪臺北六十里括地志言由琅邪臺入海非也

朱虛城漢劉章封國在今盤陽社西南數里魏書地形志

盤陽有朱虛城是也舊志謂在縣城東六十里廟山誤

舊志廟山之說蓋沿齊乘之誤齊乘固云在縣東六十

里也考水經巨洋水出朱虛縣泰山北過其縣西又北

過臨朐縣東酈注其水北流逕朱虛故城西自朱虛北

入臨朐縣汶水出朱虛縣泰山北過其縣東酈注汶水

自縣東北逕郛城北又東北逕管甯墓又東北逕柴埠

山元魏方承漢制朱虛建縣不廢而酈氏有故城之目異代各城明矣此以故言自是漢城於汶不云逕故城東必其相去差遠廟山逼處汶濱既已不合又考地里風俗記丹山在西南酈氏辨之曰城東北二十里有丹山世謂之凡山縣在西南非山也廟山則在凡山東南水道容有遷移山位必無改易據爲表識尤足明于說之非矣盤陽有朱虛城見魏書地形志盤陽縣治即今盤陽社社西南有一村俗曰古城其地隆起城址宛然凡山正在其東北二十里許或言二十五里道里迂曲非準望實數也指爲漢國遺墟與酈注魏志并合或疑去巨洋遠亦未盡符酈注不知朱虛西南境魏時已屬盤陽注不能云逕故縣西自不得不以故城

光緒臨朐縣志卷四

古蹟

三

爲詞不必定如臨朐故城之側川也廟山朱虛城當屬宋魏別有說詳後

臨朐故城見水經注通志在縣東南二里府志同今無迹

校城漢城陽王子雲封國寰宇記在臨朐東今無迹惟城

東南辛塚社有古城遺址方位稍別未知即此城否土人耕地

嘗得瓦厚寸許大逕尺非近代物也

臨原城漢淄川王子始昌封國莽曰填夷亭寰宇記在臨

朐東今城東六七里有土高曠周遭有濠塹遺蹟疑是此

城矣

朱虛城南宋縣北魏因之本東漢末孔融所置魏晉朱虛始亦因之

然不可考即漢故城之在縣東六十里舊志所云今廟山側增置盤陽實自宋始

有遺蹟土人猶呼爲城頭者蓋此城也魏志注有丸山丹水所出丸山卽凡山在廟山北少西於時北有劇南有盤陽西有昌國東有琅邪此城適據其中境內之山更無大於凡山者故志注表之也

按府志沿革據魏志盤陽有朱虛城爲劉宋移建朱虛之證可謂讀書有識然考范史孔融傳融爲黃巾所敗收散兵保朱虛已有更置城邑之文疑移建實自融始蓋當時故城或敝不復可保揆諸地勢又非扼要故據縣東北境別築新城以守之宋及元魏特因其舊而弗改耳府志又云朱虛城雖移仍未出今臨朐境似未能

光緒臨朐縣志卷四

古蹟

四

實指所在故古蹟不更增入夫旣時分兩代又城各一地偏舉其一究病未周今辨漢城當在盤陽則廟山之遺蹟歸之宋魏無可疑者著之於篇爲府志補其罅漏考古之士或不以逕見爲嫌乎

盤陽城元魏縣在縣東南盤陽社魏志注有大峴山斷山鉅平山今皆在縣境內知盤陽故城卽今盤陽社山環水繞固自一都會也前漢書之般陽屬濟南莽曰濟南亭則今淄川非青州之盤陽也

西安城亦元魏縣在縣西西安店魏志注有逢山八士山今西安店正在逢山口八士山峙其西南以地形考之此

其遺蹟為有徵矣舊志云東漢建西安縣魏省入臨朐則
西安臨朐一也其說大謬後魏有昌國無臨朐說互詳沿革東漢西安在
今臨淄西三十里司馬彪郡國志西安有棘里亭是其確
證

案府志沿革縣北境當仍有安平城以魏志安平有覆
釜山為據覆釜山即朐山也昌國餘臈編年錄通志舊
志均未之及歷考他書亦無確證然魏志青州齊郡高
陽郡實有二安平高陽郡領縣五高陽新城鄆安次安平李兆洛
歷代地理韻編今釋并注在臨淄地而於齊郡安平亦
注在臨淄東十九磐牙百里縣氏從同亦事之有可疑

光緒臨朐縣志卷四 古蹟

五

者覆釜山又非臨淄所有則齊郡安平斷在斯境府志
之說未為無稽特遺蹟闕如今城東三里賣家窪北有
去朐山里許未知是其蹟否然今縣治在元魏時為昌
國相距纔二三里擊柝相聞有太逼之嫌其時雖疆域
破碎置縣繁多似未敢遽標其目姑附於後以俟精輿
地之學者審正焉

穆陵城在縣南境金貞祐四年升臨朐之穆陵置縣尋省
今城址猶存

穆陵關在大峴山上

按太公賜履南至穆陵語見左氏傳杜注齊境也以封
境言與服氏同小司馬謂是楚境則以征伐所至言林

氏申其說曰楚既以涉地何故爲問齊不應歷言受封
境界以自狹當以征伐所至爲正春秋大事表有齊穆
陵辨全祖此意引證
甚據此則齊境穆陵尙在書疑之列矣然卽從杜注亦
不必定在臨朐境卽在臨朐亦不得目爲穆陵關蓋注
原未確指其地而傳亦初不以關言也考唐書地理志
沂水縣北有穆陵關齊乘卽大峴山然晉師伐南燕時
塞險入險均以大峴山言其時尙未有關可知元和志
亦作穆
陵疑穆陵之稱相沿已久後代乃設關其上耳故以穆
陵關爲邑之古蹟可以爲太公賜履遺蹟則不可府志
附於列城之後而無一語涉及封境極有斟酌今從之

舊志有羸其說曰孟母塚在穆陵關南三十里爲魯地
關北爲齊地羸離關稍偏東北三十里乃孟子反齊止
宿之處按羸爲齊南邑卽漢晉之羸縣其故城在今萊
蕪縣西北四十里言地理者歷千百載無異詞孟母塚
在鄒縣北二十里馬鞍山陽有孟母墓碑可考由鄒縣
至臨淄萊蕪正所沿歷以今村古瞭然大白舊志此說
眞謾談矣至以關南爲魯戰國疆域茫然弗詳疏謬尤
彰不足置辨故與漑源山之當屬濰縣者說詳
山考并削而
弗著於篇

釣魚臺在城西南四十里仰天山下辛莊社後漢書齊國
上言有男子披羊裘釣澤中後人以此地有釣臺遂緣飾
以爲名迹傅國張敦仁又疑爲太公釣臺皆無確據其地
南北石磯夾峙中爲清潭東北諸峯秀峙如黛蒼松古木
掩映參差或至日其山爲富春山明益都鍾羽正僑居於
此卽北岸爲子陵祠建滄浪亭於南岸

府志臨淄有嚴磯有釣魚臺皆指爲嚴陵遺蹟而於臨
胸削而不載按臨淄臨胸東漢時并齊國屬齊國上言
旣未實指其處范史亦不詳安車三至之所則不必不
在臨淄亦正不必不在臨胸也先生之風山高水長履
綦所留泉石增重疑而存之蓋有廉頑懦立之思固非
尋常爭墩之見比也

光緒臨胸縣志卷四

古蹟

七

飛雲樓元建見通志府志未詳所在

仙客亭在沂山百丈崖之腰明嘉靖中知縣傅希孟建有
聯云山靜凝神氣泉高識道源字勢飛動爲雪竇道人筆
今地

清漪樓在治泉西明馮琦建久圯今其地建有小亭題曰
芳洲

卽江南亭在治泉上明馮惟敏建今存

憑衿亭在治泉東亦馮氏建蓋取酈善長此焉棲寄實可

憑衿之語漁洋精華錄中有詩云萬竹陰中置一亭四圍
碧玉響清冷我來想見憑衿日紗帽籠頭注水經卽詠此
亭也又有君子堂娛暉亭均見馮灝其在海浮山者有小
蓬壺見馮惟健雲棲亭曠如閣見馮灝皆馮氏一門臨
眺所寄點綴泉石藻績雲嵐冶源之勝遂甲一邑今蕩然
無存矣

芙蓉館在嵩山之阿明傅汝祚讀書處

王氏別業在七賢里明萬厯中新城王象乾所築村之東
嶺及南北隧壑徧種松柏彌望蒼然名萬松園明季地歸
衡藩易名牛山山莊

光緒臨縣志卷四 古蹟

八

祠宇

齊乘亭館該乎棟宇人神所棲統以時敘今取分晰故師其例而稍稍變通之

五帝祠在汶水上見班史地理志顏師古注今無迹
太山祠見魏書地形志蓋卽東泰山祠也昌國縣隍謂今
祠初始隋代則此疑爲漢禮官所祠之遺址矣詢之士人
不得其迹

逢山祠在逢山東麓漢書郊祀志祠蓬山石社石鼓於臨
胸地理志臨胸有逢山祠卽此水經注泮水逕逢山祠西
似在元魏時此祠猶存今廢無迹石鼓亦不知所在
常將軍廟在穆陵關上齊記補曰將軍秦昭宣帝時爲大
峴戍主建元中戰歿後人立廟此山皆石爲之接通鑑晉

孝武太元九年謝立乘秦亂遣兵攻青州降之時符堅建元二十年也將軍蓋與立戰死唐沈亞之沂水雜記又云沂水北一百里有將軍峴甚靈民置祠路左將軍曾爲五郡牧姓常名立通因築城失主將意斬之其屍數日不仆有臺曰立屍臺此亞之記所說常將軍事迹與齊記補不同而齊記補近是今兩存之舊志引齊乘語如此今廟及鐵像猶存康熙五十九年伏莽思逞竊聚山側戒期未發倏大雪三日夜又聞人馬行聲若官軍猝至者哨望無迹偃息復然驚駭鳥散多被繫獲眾皆歸功於神康熙青州志備載其事

編年錄云按十六國春秋是年晉遣淮南太守高素伐秦堅青州刺史符朗遣使詣謝元

光緒臨朐縣志卷四 古蹟

九

於彭城求降是立兵未及青境將軍何以戰死齊記補所云未可據又云將軍督築長城暴疾死廟鑄鐵像主沂水雜記而其說小異

治官祠在治源薰治水上見水經注祠前有鑄劍池三大

字爲雪簑子書又有聯云天丁呵護陰陽劍鬼斧鑿開混沌池今譌爲大孝王祠

按酈注日之爲治官祠廣雅金神謂之清明斯地蓋古

治官所在立言極慎齊乘乃引澗水燕談指爲歐冶子

鑄劍之地歐冶子吳越間人不聞遠涉茲土附會之說

殆未可從考鹽鐵論布衣有胸酈注酈姓曹以鐵冶起

家富至鉅萬以其興富於臨朐故曰胸酈治原之稱或

緣酈著此祠卽其所建未可知也古邦紀略云今稱大

孝王廟祀漢城陽王劉章夫城陽之祀盛於漢魏間青州諸郡轉相倣效下至鄉亭聚落亦為立祠見風俗通及魏書

朱虛是其封邑理固宜有然果是此祠酈氏日游其側豈容不知而反有治官之目譌自後代事無可疑馮惟健游

治泉記已有此名謂掘斷碑知之則沿譌久矣大孝王之稱尤鄙俗不足置辯名從其朔義取有徵未敢旁摭俚談竄革往蹟也

洪福寺在盤陽社元魏孝昌中建考盤陽故城迹寺正在東門內有碑今不存

彌陀寺在縣南一百里九山社有唐碑今不存
李衛公廟在縣西南書堂社祀唐李靖相傳靖徵時讀書

光緒臨縣志卷四 古蹟

十

於此旁有讀書臺廟今圯舊志又云靖從太宗征閩左因於此閱司馬兵法焉

崔府君祠在縣北門外東偏祀唐崔子玉附明訓導嚴怡

胸邑之北門迤東廟有祀崔府君者余嘗從縣官禱祠其中見廡下二碑述府君大略不言其何所據題有永樂引

治重修歲月亦不及建自何時且草率無關涉竟讀罔然增慨欲為改之按舊碑府君為隋唐間人稽之二代之

史則無其列傳廟有住持道士黃惟明北復一新廟貌適欲得作者為之記乃購一編謁余按記府君於唐貞觀間

歷長子盜陽衛三縣令有按獵兔斃妖蛇攝猛虎等事至述其臨命一節要非常理然陰陽之變糾錯相紛宜何所

不有也乃若於唐宋諸君所為示夢兆乎感通神接引者尤為怪奇信如記所稱述是其生有明德宜其民尸祝而

組豆之死為神明宜其君喪崇章顯諱之廟食永世舉非無謂矣獨胸之有廟則不可考尋其何所因也怡因歎道

之不明也愚夫愚婦惑於禍福之說相率而求之渺茫冥昧之間祭非其鬼者多矣庸詎知其為不善而徵福辟

則舍耕植而求穫為不善而苟求免於禍殃辟則多食鉤吻烏喙以斲不死也府君既稱神所謂聰明正直而一者

也豈能副愚夫婦奔走之意哉况於愚之下者又於府君像塑左右爲二女以來之則雜揉瀆亂愈益非府君意矣府君有靈其不能一朝而安於胸也審矣怡爲之記以俟夫通幽明習典禮者擇焉

靈澤廟在仰天山黑龍洞側祀龍神宋元符三年初賜額靈澤侯崇甯五年封豐濟侯今廢無迹

逢山寺仰天寺之下院也在逢山下宋嘉祐時建熙甯五年普濟和尚傳法於此知青州趙抃碑其事

修真宮在縣北十里養老院宋建元時修元碑存

龍巖寺在縣東南龍門山切宋宣和中建前有浮圖三級唐肅宗時造傳國詩所謂殘碑餘宋字古塔是唐年者是也

五龍堂在龍山社見新舊府志

普照寺在穆陵關下傳國有紀遊詩謂在穆陵故城內西安廟在西安店舊志古遯臺齊景公與晏子論政處接遯臺逼近齊都肇域記在臨淄縣東一里是也指此廟爲其遺址川土不合

懸泉寺一名演德寺在縣南伏崖社隱於崖曲一泉在草庵後絕壁千尋下出一泓湛然如半月狀渟而不流有至元二十一年碑完好如昨其下院曰張良庵

紫薇觀在南門內元中統中建今存

萬壽寺明洪武二十三年建在城內舊爲僧會司宅

按舊志所載其應禮經者既列於建置矣餘以古蹟存之然亦義各有取或因事祈報隆灼前代則存或占地幽勝點綴名蹟則存已見山水考者不復出或典籍流播久爲故實則存或金石憑寓可備造訪則存外此不以妄費楮墨也嗚呼邑之淫祀繁矣道場蘭若功飾歲加貧民股脂膏以媚土偶佈施頻繁略無吝色歲時祈福香火競盛男婦雜還奔走若狂海浮山寺最甚其尤不經者譌三元爲團圓與閩俗之祀胡天妹者無異邪慝誘民敗俗實甚凡此皆在禁例有心者方用深疾顧屑侈陳削伐從嚴特著當毀之義云

邱壠

丹朱陵在朱封社孤阜隆然大可竟畝昌國餘艘云元和志以爲在唐山海內南經以爲在蒼梧九州要記注城陽有丹朱冢城陽朱虛郡名也朱虛旣爲舜封丹朱之虛矣則其葬當在封地九州要記於義爲正

按丹朱封地及陵墓散見諸書不一其說而路史最分曉其言曰帝使出就丹帝崩虞氏國之於房爲房侯以奉其祀夏后封之唐卒葬蕘陽注相之安陽永和鎮南有故堯城開皇置堯城縣以爲堯居乃朱居也相圖經引孟子注舜封丹朱於白水乃今清河蓋夏封之在鎮

西南三里有丹朱陵南八里有帝子夜游臺相臺志丹朱嫫游之地蒧鄴同蒧陽鄉在內黃北二十蒧陽聚元和志丹朱墓唐山縣東一里寰宇記冢在永定東二里又唐縣有鳴郎城九州要記云堯時丹朱所居相之冢爲是矣而經注城陽有丹朱冢海內南經蒼梧之山帝丹朱葬于陰無信據此則丹朱冢不當在邑境明矣雖路史依據多出於道緯雜書亦難盡信然此則頗具原委殊賢於傅氏之曲引舊文傅會無實也水經注徵引陵墓極爲夥夠此冢若信近在巨洋之側不應獨遺齊乘邱壠亦不登載尤可證傳說之非是特舊志已沿其

光緒臨朐縣志卷四

古蹟

十三

文臨朐編年錄古郡紀略亦皆主之嫌於刊落茲故標舉仍舊而刪節路史并其注文附錄於後孰說爲正俾閱者參覆而自得之

殷逢伯陵墓

左傳晏子對景公言先季蒧次逢伯陵其封齊當在殷商之世路史引伯益書以爲炎帝

時封今從左氏傳

在逢山之巔相傳有石擲在焉此亦昌國餘臆

之說而舊志因之按齊乘云路史逢伯陵姜姓炎帝後太姜所出始封於逢在開封逢澤後改封於齊猶稱逢公山因名焉有逢山祠而不云有墓古蹟邱壠亦不載則此墓亦傳疑也

周伯氏塚凡有數處齊乘臨朐古駢邑伯氏所食後爲管

仲所奪伯氏沒齒無怨言故城西有其冢注云故城在臨朐東南府志在縣東南駢邑故城南昌國縣在縣北五里許舊志古邾紀略皆從之未知誰是說互詳邾城下孫平墓在城東東城隍廟後舊志作孫單說詳祠廟唐王氏墓在宋旺村不知何人之葬封邱夷爲田舊有墓碑斷落田中今亦無迹

宋張平墓在揚善社

王肱墓在龍泉河側見黃山谷集

茹解元墓在尹士社相傳爲宋時人碑誌無存舊日墓陷土人見穿中有玉帶一圍乃復掩之墓基今爲民居

光緒臨朐縣志卷四

古蹟

十四

金懷州同知郭義及子元昭文館大學士大司農筠墓在北郭六里封阡已夷墓碑落田中斷而爲六華表石闕尚存翁仲儼立一缺其首僅一辟邪獸近村多郭姓而代遠莫溯其祖隴墓爲田溷於樵牧矣

千戶井涓墓在田村社

武義將軍左衛親軍管軍總管閆玉墓在辛塚莊之西大辛河東岸封邱巍然石表半淪於水

武略將軍衛親軍千戶辛世顯墓在牛山東北辛家莊石羊馬墓碑均存

劉萬戶墓在縣西北八里鮑莊墓碑湮失名迹無考按傳

國雲黃集自明永宣間邱隴已迷耕人但相呼為石墓田
崇禎時華表翁仲猶有存者而碑陷短崖側斷額僅露萬
戶劉三字餘七字剝蝕已不可識矣

武略將軍李 墓在南流西雲黃集云有石墓田者元武
略將軍之墓也其父青兄榮諸姊姒行并元大德等字從
殘碑苔蘚中猶髣髴可識而將軍之名則不可考矣邱隴
既已蕩然特墓門華表石馬之屬如昨耳今殘碑亦淪失
無迹

明衡恭王墓 憲宗庶七子名祐 輝成化二十三年就藩嘉靖十七年薨 在逢峪
社三陽山

光緒臨胸縣志卷四

古蹟

五

衡安王墓 恭王孫莊王庶三子名載 封初封在縣西西安

廟側舊志云在伏龍山未詳

衡王墓 名諡失考案明史諸王表恭王之弟為安王安王之弟為

定王定王之弟為康王康王之弟為安王安王之弟為 在鹿泉社香爐山下

衡玉田王墓 按明史恭庶二子厚 煇嘉靖元年封玉田王

子再傳為翊 鍵載塘庶一子皆 府志在縣西逢山

衡新樂端惠王墓 按明史恭庶三子厚 熾嘉 在鞏郭社胸

山東麓

衡高唐王墓 按明史恭庶四子厚 煇嘉靖中封萬厯四十

卒追諡恭和恭和庶一子翊 鑲萬厯十六年襲封翊 鑲嫡
一子常澤萬厯四十六年襲封皆無諡此墓亦不知當誰

也屬在禮義社養老院後

贈尚書兼學士謚襄敏馬愉墓在朱位社牛山西麓
僉都御史甘肅巡撫張邦彥墓在逢山西洋水南岸
兵部侍郎遲鳳翔墓在縣東龍泉水北

陝西左布政呂三才墓在胸山之陽巨洋水東

山西按察司副使常裕墓在胸山東南數里黃山村側
蘭陽知縣來儀墓在五井東

按邑中人物明代最盛馮氏之墓自在益都其餘達官
賢士封邱相望尙纍纍也舊志掛漏已多然欲增所可
增實苦載不勝載竊謂諸人名迹既各有傳則流連興

光緒臨胸縣志卷四

古蹟

六

墓初不繫斯墓之有無茲故一仍舊志其呂常二墓見
於古邦紀略者未便遺之外此采輯概從闕略意主簡
約非有所輕重去取於其間也

舊志有沂山古塚蓋本之昌國餘腥昌國餘腥本之齊
乘然齊乘云山頂有二冢相傳周穆王葬宮嬪於此故
大峴關因號穆陵云按周初封太公已有南至穆陵之
履豈因穆妃而得名乎蓋二冢不知誰氏之葬反因穆
陵而附會也語極明通故但附見山部其古蹟邱壠門
更不闕入昌國餘腥乃引穆天子葬盛姬事以實之以
求勝於前人考穆天子傳天子西至重璧之臺盛姬告

病天子哀之天子乃殯盛姬於穀邱之廟甲辰天子南
葬盛姬於樂池之南河濟之間共事壬戌葬

王剛日也與禮經葬

用柔日之義乖日知錄嘗疑其書為後人偽作矣謚曰哀淑人之丑天子東征

舍於五鹿丁卯釣於漯水丁丑天子北征戊寅舍於河

上尋其沿厯逕趣大都近於河濟樂池何地今雖不能

實指而重璧臺寰宇記采入雷澤則固在曹州境五鹿

郡國志謂故沙鹿則固在今直隸大名境也傅氏不察

徒以濟漯皆在齊境遂據為確證至謂穆陵之名固非

穆天子遺蹟未可當之疏僻甚矣

古邢紀略主其說

舊志似不

主其說而語意疏悅不甚可解且以不知誰何之葬與

光緒臨胸縣志卷四 古蹟

七

諸墓參列時代先後竟何所憑今從齊乘例刪之而稍

申辯論附諸篇末正傅氏之謬并以訂舊志之疏云